

春秋左傳杜注

春秋左傳杜注卷第二十七

華亭姚培謙

定公

名宋襄公之子昭公之弟諡法安民大慮曰定

經元年春王

公之始年而不書正月公即位於六月故

○三月晉人執宋仲幾

于京師

晉執人于天子之側而不以歸京師故但書其執不書所歸○幾音機

○夏六月癸亥公

之喪至自乾侯

告於廟故書至

○戊辰公即位

定公不得以正月即位失其時故詳而曰

之記事之宜無義例

○秋七月癸巳葬我君昭公

公在外薨故八月乃葬

○九

月大雩

無傳過也

○立煬宮

煬公伯禽子也其廟已毀季氏禱之而立其宮書以譏之○煬羊讓反

○冬

十月隕霜殺菽

無傳周十月今八月隕霜殺菽非常之災

傳元年春王正月辛巳晉魏舒合諸侯之大夫于

狄泉將以城成周魏子蒞政

蒞臨也代天子大夫為政

衛彪僂衛大夫曰

將建天子

立天子之居

而易位以令非義也

前于位是于君之位此易位是易天子

大夫之位

大事奸義必有大咎晉不失諸侯魏子其不免

乎是行也魏獻子屬役於韓簡子及原壽過

簡子韓起孫不

信也原壽過周大夫之奸音干屬音濁

而田於大陸焚焉

禹貢大陸在鉅鹿北嫌絕遠疑此田在汲郡吳

澤荒蕪之以火田并見燒也爾雅廣平曰陸吳澤城在今河南懷慶府脩武縣北

還卒於甯

甯今脩武縣近吳澤范獻

子去其柏椁以其未復命而田也

范獻子代魏子為政去其柏椁示貶之

孟

懿子會城成周

不書公未即位

庚寅裁

裁設板築裁才代反

宋仲幾不受

功曰滕薛卿吾役也

欲使三國代宋受功役也。鄭五兮反。小邾國。

薛宰曰宋爲

無道絕我小國於周以我適楚故我常從宋晉文

公爲踐土之盟

在僖二十八年

曰凡我同盟各復舊職若從

踐土若從宋亦唯命仲幾曰踐土固然

固曰從舊薛舊爲宋役

薛

宰曰薛之皇祖奚仲居薛以爲夏車正

皇大也。奚仲爲夏禹掌車服大

夫

奚仲遷于邳

邳下邳縣

仲虺居薛以爲湯左相

仲虺奚仲之後

若

復舊職將承王官何故以役諸侯

承奉也

仲幾曰三代

各異物薛焉得有舊

言居周世不得以夏殷爲舊

爲宋役亦其職也

士彌牟曰晉之從政者新

言范獻子新爲政未習故事

子姑受功歸

吾視諸故府

求故事

仲幾曰縱子忘之山川鬼神其忘

諸乎

山川鬼神盟所告

士伯怒謂韓簡子曰薛徵於人

典籍故事人所

知也宋徵於鬼

取證於鬼神

宋罪大矣且已無辭而抑我以

神誣我也啓寵納侮其此之謂矣

開寵過分則納受侵侮

必以仲

幾爲戮乃執仲幾以歸三月歸諸京師

知以歸不可故復歸之京師

城三旬而畢乃歸諸侯之戍齊高張後不從諸侯

後期不及諸侯之役

晉女叔寬曰周襄弘齊高張皆將不免

叔寬女寬

也襄叔違天高子違人

天既厭周德襄弘欲遷都以延其祚故曰違天諸侯相帥以崇天子而高子後

期故曰違人○王氏應麟曰以襄弘爲違天是人臣不當扶顛持危也

天之所壞不可支也衆之

所爲不可奸也

爲哀三年周人殺長弘六年高張來奔起

○夏叔孫成子逆公之喪于乾侯

成子叔孫姑之子

季孫曰

子家子亟言於我未嘗不中吾志也吾欲與之從

政子必止之且聽命焉

衆事皆諮問子家子

子家子不見叔孫

易綏而哭

幾哭會也不欲見叔孫故朝夕哭不同會○幾音祈

叔孫請見子家子子家

子辭曰羈未得見而從君以出

出時成子未爲卿

君不命而

薨羈不敢見

言未受昭公之命託辭以距叔孫

叔孫使告之曰公衍公

爲實使羣臣不得事君

二子始謀逐季氏○始謀不言公衍季欲俱廢昭公大子故并誣之

若公

子宋主社稷則羣臣之願也

宋昭公弟定公

凡從君出而可

以入者將唯子是聽子家氏未有後季孫願與子

從政此皆季孫之願也使不敢以告不敢叔孫成子名對曰

若立君則有卿士大夫與守龜在羈弗敢知若從

君者則貌而出者入可也貌出謂以義從公與季氏無實怨寇而出者

行可也與季氏為寇若羈也則君知其出也君昭公而未知

其入也羈將逃也喪及壞隤公子宋先入從公者

皆自壞隤反出奔六月癸亥公之喪至自乾侯戊辰

公即位諸侯薨五日而殯殯則嗣子即位癸亥昭公喪至五日殯於宮定公乃即位季孫使役如闕

公氏將溝焉闕魯羣公墓所在也季孫惡昭公欲溝絕其兆域不使與先君同○孔疏春秋言氏猶如言家故謂公之墓地為

公氏言襄公死之家宅也。公氏將溝焉。猶言將溝公氏焉。古人多倒語。

榮駕鵞曰：生不能事，死又

離之，以自旌也。

駕鵞魯大夫榮成伯也。旌章也。○駕音加。

縱子忍之，後必或恥

之。乃止。季孫問於榮駕鵞曰：吾欲爲君謚，使子孫

知之。

為惡謚。

對曰：生弗能事，死又惡之，以自信也。將焉

用之，乃止。

○自信，謂自實其不臣之迹也。

秋七月癸巳，葬昭公於墓道

南。孔子之爲司寇也，溝而合諸墓。

明臣無貶君之義。○自昭公墓外爲溝，使與先

合。君墓。

○昭公出，故季平子禱于煬公。九月，立煬宮。

平子遜君懼而

請禱於煬公。昭公死於外，自以爲獲福，故立其宮。

○周鞏簡公弃其子弟而好用遠人簡公周卿士遠人異族也為明年鞏氏賊

簡公張本

經二年春王正月○夏五月壬辰雉門及兩觀災

無傳雉門公宮之南門兩觀關也天火曰災○觀去聲

○秋楚人伐吳囊瓦稱人見誘以敗軍

○冬十

月新作雉門及兩觀無傳

傳二年夏四月辛酉鞏氏之羣子弟賊簡公傳言弃親用疏

所以敗也

○桐叛楚

桐小國在舒縣西南有桐鄉○今在廣南安慶府桐城縣北有古桐城即桐國也與廬江縣接

吳子使

舒鳩氏誘楚人舒鳩楚屬國

曰以師臨我教舒鳩誘楚使以師臨吳

我伐桐

爲我使之無忌

吳伐桐也。僞若畏楚師之臨己，而爲伐其叛國以取媚者也。欲使楚不忌吳，所謂多方以誤之。爲去聲。

秋，楚囊瓦伐吳，師于豫章。

從舒鳩言。

吳人見舟于豫章。

僞將爲楚。

伐桐。見音現。

而潛師于巢。

實欲以擊楚。

冬十月，吳軍楚師于豫章。

敗之。

楚不忌故。

遂圍巢，克之，獲楚公子繁。

繁守巢大夫。

○邾莊公與夷射姑飲酒，私出。

射姑邾大夫出辟酒。射音亦。

闔乞肉。

焉，奪之杖以敲之。

奪，開杖以敲闔頭也。爲明年邾子卒傳。敲，口交反。

經三年春，王正月，公如晉，至河乃復。

無傳。

○二月辛

卯，邾子穿卒。

再同盟。

○夏四月，○秋，葬邾莊公。

六月乃葬。

○

冬，仲孫何忌及邾子盟于拔闕。

拔地闕。

傳三年春二月辛卯邾子在門臺門上有臺臨廷闈以鉞

水沃廷邾子望見之怒闈曰夷射姑旋焉旋小命執

之見其不潔執射姑弗得滋怒自投于牀廢于鑪炭爛遂卒

廢隋也。隋徒火反。先葬以車五乘殉五人欲藏中之潔故先內車及殉別為便房蓋其遺命莊

公卞急而好潔故及是卞躁疾也

○秋九月鮮虞人敗晉師于平中平中晉地獲晉觀虎恃

其勇也為五年士鞅圍鮮虞張本

○冬盟于郟郟即拔也脩邾好也公即位故脩好

○蔡昭侯為兩佩與兩裘佩佩玉也以如楚獻一佩一裘

於昭王。昭王服之。以享蔡侯。蔡侯亦服其一。子常

欲之。弗與。三年止之。唐成公如楚。有兩肅爽馬。子

常欲之。成公唐惠侯之後肅爽駿馬名。爽音霜。弗與。亦三年止之。唐人或相

與謀。請代先從者。許之。飲先從者酒。醉之。竊馬而

獻之子常。子常歸唐侯。自拘於司敗。竊馬者自拘。從飲並去聲。曰。

君以弄馬之故。隱君身。隱憂約也。弃國家。羣臣請相夫人

以償馬。必如之。相助也。夫人謂養馬者。唐侯曰。寡人之過也。二三

子無辱。皆賞之。蔡人聞之。固請。而獻佩于子常。子

常朝。見蔡侯之徒。命有司曰。蔡君之久也。官不共

也

言楚所以禮遣蔡侯之物不共備故

明日禮不畢將死

遣蔡侯之禮

蔡侯歸及

漢執玉而沈曰余所有濟漢而南者有若大川

自晉言若

復渡漢當受禍明如大川○沈音鳩

蔡侯如晉以其子元與其大夫之子

爲質焉而請伐楚

爲明年會召陵張本

經四年春王二月癸巳陳侯吳卒

無傳未同盟而赴以名癸巳正月七日書二月從赴

○三月公會劉子晉侯宋公蔡侯衛侯陳子鄭伯

許男曹伯莒子邾子頓子胡子滕子薛伯杞伯小

邾子齊國夏子召陵侵楚

於召陵先行會禮入楚竟故書侵

○夏四月

庚辰蔡公孫姓帥師滅沈以沈子嘉歸殺之

○姓音生又作

生

○五月公及諸侯盟于皐鼬

皐陵會劉子諸侯總言之也
繁昌縣東南有城皐亭復稱

公者會盟異處故。鼬由又反。城皐亭今在河南開封府臨潁縣界

○杞伯成卒于會

無傳。○世子乞嗣是為隱

公七月其弟過弒隱公自立是為僖公

○六月葬陳惠公

無傳

○許遷于容城

無傳○秋七月公至自會

無傳

○劉卷卒

無傳即劉魋也劉子奉命出盟召陵死則

天王為告同盟故不具爵。卷音權。○趙氏匡曰畿內諸侯不同列國故不言劉子卷卒

○葬杞悼公

無傳

○楚

人圍蔡

不服故也

○晉士鞅衛孔圉帥師伐鮮虞

無傳孔圉孔羈孫士

鞅即范鞅

○葬劉文公

無傳

○冬十有一月庚午蔡侯以吳

子及楚人戰于柏舉楚師敗績

師能左右之曰以皆陳曰戰大崩曰敗績吳為蔡討楚從

蔡計謀故書蔡侯以吳子言能左右之也。囊瓦稱人貪以致敗不能死難罪賤之柏舉楚地昭三十一年傳曰六年十二月庚辰吳其入郢今以十一月者

并數閭。○名勝志云：麻城縣東三十里有柏子山，縣東南有舉水，柏舉之名蓋合柏山舉水而得之。今麻城縣屬湖廣黃州府。楚囊瓦

出奔鄭

書名惡之

庚辰吳入郢

弗地曰入吳不稱子史墨文

傳四年春三月，劉文公合諸侯于召陵，謀伐楚也。

文公王官伯也，晉人假王命以討楚之久，留蔡侯，故曰文公合諸侯。

晉荀寅求貨於蔡侯，弗得，言

於范獻子曰：「國家方危，諸侯方貳，將以襲敵，不亦

難乎？」水潦方降，疾癘方起，中山不服。

中山解虞

棄盟，取怨

無損於楚。

晉楚同盟伐之為取怨

而失中山，不如辭。蔡侯吾自方

城以來，楚未可以得志。

晉敗楚侵方城在襄十六年

祇取勤焉，乃辭。

蔡侯，晉人假羽旄於鄭，鄭人與之。

析羽為旄，王者遊車之所建，鄭私有之，因謂之

羽旄借觀之

明日或旆以會

或賤者也。繼旆曰旆。今賤人施其旆，執以從會，示卑鄭。旆，帛續旒末，為燕尾者，旆為旆。

身旆謂旆尾。晉令賤人建此羽旆，施其旆旆於下，執之以從其會。

晉於是乎失諸侯

傳言晉無禮，所以遂弱。將

會衛子行敬子言于靈公

子行敬子，衛大夫。

曰：會同難

難得嘖

有煩言，莫之治也。

嘖，責也。煩言，忿爭。○嘖音責，爭言也。

其使祝佗從

祝佗，犬視子魚。

○佗徒河反。

公曰：善。乃使子魚、子魚辭曰：臣展四體以率

舊職，猶懼不給，而煩刑書，若又共二

共二職

徼大罪也。

且夫祝社稷之常隸也。

隸，賤也。

社稷不動，祝不出竟，官

之制也。

社稷動，謂國遷。

君以軍行，祓社，釁鼓。

師出，先有事，祓禱於社，謂之宜社。於是殺牲以

血塗鼓，鼓，為釁鼓。

祝奉以從。

奉社主也。

於是乎出竟，若嘉好之事。

謂朝會。

君行師從

二千五百人

卿行旅從

五百人

臣無事焉。公曰：行也。

及臯鼬

將

將長蔡於衛

欽公蔡先衛

衛侯使祝佗私於萇

弘曰：聞諸道路，不知信否。若聞蔡將先衛，信乎？萇

弘曰：信。蔡叔，康叔之兄也。

蔡叔周公兄，康叔周公弟。

先衛，不亦可乎？

子魚曰：以先王觀之，則尚德也。昔武王克商，成王

定之，選建明德，以藩屏周。故周公相王室，以尹天

下

尹也

於周，爲睦

睦，親厚也。以盛德見親厚。

分魯公以大路、大旂

魯公伯禽也。此

大路，金路。錫同姓諸侯車也。交龍爲旂。周禮同姓以封。分扶問反。下並同。

夏后氏之璜

璜，美玉名。○周禮鄭注：半璧曰璜。

璜封父之繁弱

封父，古諸侯也。繁弱，大弓名。

殷民六族：條氏、徐氏、蕭

氏索氏長勺氏尾勺氏使帥其宗氏輯其分族將

其類醜

醜衆也。勺市灼反。

以法則周公用即命于周

即就也使六族就周受屬

公之法制

是使之職事于魯

共魯公之職事

以昭周公之明德

昭顯也

分

之土田陪敦

陪增也敦厚也

祝宗卜史

大祝宗人犬卜大史凡四官

備物典策

典策春秋之制

官司彛器

官司百官也彛器常用器

因商奄之民

商奄國名也與四國流言或迸散在魯皆

今即屬魯懷柔之

命以伯禽

伯禽周公世子時周公唯遣伯禽之國故皆以付伯禽。劉氏炫以為伯禽亦命書篇名

而

封於少皞之虛

少皞虛曲阜也在魯城內

分康叔

康叔衛之祖

以大路少帛

績茂旗旌

少帛雜帛也績茂大赤取染草名也通帛為旗析羽為旌。七見反。旌音吠。孔疏周禮司常云通帛為旌雜帛為物。鄭云

通帛為大赤從周正色無飾雜帛者以帛素飾其側白殷之正色大赤是通帛知少帛是雜帛也。舊染赤之草旌即旆也旆是旂尾尾猶用赤則通身皆赤知

綳枝是大赤也。蓋王以通帛雜帛並賜衛也。然則大赤即是旗於綳枝之下。更言旂者，枝言旂尾，旂言旂身，固其文耳。若其不然，旌是千之所建，旂皆有旌，少帛旂旌之儀。何須更復言旌？大呂，鍾名。殷民七族，陶氏、施氏、繁氏、錡氏、樊氏、饑氏、終葵氏，封畛土畧，自武父以南及圃

田之北竟。

畛，塗所徑也。畧，界也。武父，衛北界。圃田，鄭藪名。繁，步何反。鑄魚鰭反。畛之忍反。徑，音經。

取於有閭。

之土，以共王職。

有關衛所受朝宿邑。蓋近京畿。

取於相土之東都。

相土，商之先。

君以會王之東蒐。

為湯沐邑。王東巡守，以助祭泰山。

聃季授土。

聃季，周公弟。司空。聃乃。

反。陶叔授民。

陶叔，司徒。

命以康誥而封於殷虛。

康誥，周書殷虛朝歌也。

皆

啓以商政，疆以周索。

皆魯衛也。啓，開也。居殷故地，因其風俗，開用其政，疆理土地，以周法。索，法也。

分

唐叔。

唐叔，晉之祖。

以大路密須之鼓。

密須，國名。

闕鞶。

甲名。

沽洗。

鍾名。洗，息典。

反懷姓九宗職官五正

懷姓唐之餘民九宗一姓為九族職官五正五官之長。孔疏五官之長謂五

官之長子孫耳。曲禮云天子之五官曰司徒司馬司空司士司寇鄭云此殷時制也。然則殷時五官居在唐地世為貴族以賜唐叔使主領之。所以榮寵唐叔也。殷之五官不必皆在唐地。但有五官四官亦得總五言之。

命以唐誥而封於夏虛

唐誥誥命篇名

也。夏虛大夏今大原晉陽也。

啓以夏政

亦因夏風俗開用其政

疆以戎索

大原近戎而塞不與中國同故

自以戎法

三者皆叔也而有令德故昭之以分物不然文

武成康之伯猶多而不獲是分也唯不尚年也管

蔡啓商基間王室

基毒也周公攝政管叔蔡叔開道紂子祿父以毒亂王室。基音忌間去聲。

王於是

乎殺管叔而蔡蔡叔

周公稱王命以討二叔蔡放也。蔡蔡上素連反下如字。

以車七乘

徒七十人

與蔡叔車徒而放之

其子蔡仲改行帥德周公舉之

以爲已卿士

爲周公臣

見諸王而命之以蔡

命爲蔡侯

其命書云

王曰胡無若爾考之違王命也

胡蔡仲名

若之何其使蔡

先衛也武王之母弟八人周公爲大宰康叔爲司

寇聃季爲司空五叔無官豈尚年哉

五叔管叔鮮蔡叔度成叔武霍叔處

毛叔聃也

曹文之昭也

文王子與周公異母

晉武之穆也

武王子

曹爲伯甸

非尚年也

以伯爵居甸服言小

今將尚之是反先王也晉文公

爲踐土之盟衛成公不在夷叔其母弟也猶先蔡

踐土召陵二會經書蔡在衛上霸主以國大小之序也子魚所言盟獻之次

其載書云王若曰晉重

文公○重直龍反

魯申

傳

衛武

叔

蔡甲午

莊

鄭捷

文

齊潘

昭公

宋王臣

成公

莒期

茲丕公也齊序鄭下周之宗室異姓為後

蒧在周府可覆視也

吾子欲復文武之畧

畧道也

而不正其德將如之何

長弘說告劉子與范獻子謀之乃長衛侯於盟反自

召陵鄭子大叔未至而卒晉趙簡子為之臨甚哀

曰黃父之會

在昭二十五年為臨並去聲

夫子語我九言曰無始亂

無怙富無恃寵無違同無敖禮無驕能

以能驕人

無復怒

復重也○復扶又反

無謀非德

非所謀也

無犯非義

傳言簡子能用善言所以遂興

○沈人不會于召陵晉人使蔡伐之夏蔡滅沈秋

楚為沈故圍蔡伍員為吳行人以謀楚楚之殺卻

宛也

在昭二十七年

伯氏之族出

郤宛黨

伯州犂之孫嚭爲吳大

宰以謀楚楚自昭王即位無歲不有吳師蔡侯因

之以其子乾與其大夫之子爲質於吳冬蔡侯吳

子唐侯伐楚

唐侯不書兵屬於吳蔡。嚭普鄙反。

舍舟于淮汭

吳乘舟從淮來過蔡而舍之。舍音捨。

自豫章與楚夾漢

豫章漢東江北地名。

左司馬戌謂子常曰子

汭漢而與之上下

沿緣也。緣漢上下。遮使勿渡。

我悉方城外以毀其

舟

以方城外。人毀吳所舍舟。

還塞大隧直轅冥阨

三者漢東之隘道。阨於解反。今屬河南汝寧府信陽州。

子濟漢而伐之我自後擊之必大敗之既謀而行

武城黑謂子常

黑楚武城大夫。

曰吳用水也我用革也

用革不器。

可久也。不如速戰。史皇謂子常。楚人惡子。而好司

馬

史皇楚大夫
司馬沈尹戌

若司馬毀吳舟于淮。塞城口而入。

城口三
隘道之

總名是獨克吳也。子必速戰。不然不免。乃濟漢而陳。

自小別至于大別。

禹貢漢水至大別南入江。然則此二別在江夏
界。小別山今在湖廣漢陽府漢川縣北。大別

山在漢陽府
漢陽縣東北

三戰。子常知不可欲奔。

知吳不
可勝

史皇曰。安求

其事。

永知
政事

難而逃之。將何所入。子必死之。初。罪必盡。

說

言致死以克吳可以
免貪賄致寇之罪

十一月庚午。二師陳于柏舉。

經所以
書戰二

師吳
楚師

闔廬之弟夫槩王晨請於闔廬曰。楚瓦不仁。

瓦子
常名

其臣莫有死志。先伐之。其卒必奔。而後大師繼之。

必克弗許。夫槩王曰：所謂臣義而行，不待命者，其此之謂也。今日我死，楚可入也，以其屬五千先擊子常之卒。子常之卒奔，楚師亂，吳師大敗之。子常奔鄭。史皇以其乘廣死。

以戰死。○乘廣並去聲。

吳從楚師，及清發。

清發水名。○水經注：潁水南逕石巖山，北亦謂之清水。即清發也。今石巖山在湖廣德安府安陸縣城西八十里。

將擊之。夫槩王

曰：困獸猶鬪，況人乎？若知不免而致死，必敗我。若使先濟者知免，後者慕之，蔑有鬪心矣。半濟而後可擊也。從之。又敗之。楚人爲食，吳人及之。奔食而從之，敗諸雍澨。五戰及郢。

奔食，食者走不陳，故不在戰數。○今湖廣安陸府京山縣西南有三澨水。

春秋之雍滋其一也。五戰謂濟漢而陳。自
小別至于大別。三戰也。柏舉也。清發也。己卯。楚子取其妹季芊

畀我以出。涉睢。

睢水出新城。曰魏縣。東南至枝江縣入江。是楚王西走。○芊。面爾反。畀我季芊之字。睢。七餘反。○今安陸

府當陽縣北一里有沮水。相傳即楚昭王西涉處。

鍼尹固與王同舟。王使執燧象以

奔吳師。

燒火燧繫象尾。使赴吳師。驚却之。○鍼。之林反。

庚辰。吳入郢。以班處宮。

以尊卑

次處楚王宮室。

子山處令尹之宮。

子山。吳王子。

夫槩王欲攻之。懼而

去之。夫槩王入之。

入。令尹宮也。言吳無禮。所以不能遂克。

左司馬戌及息而

還。

息。汝南新息也。聞楚敗故還。

敗吳師于雍滋。傷

司馬先敗吳師。而身被創。

初。司馬臣

闔廬故恥爲禽焉。

司馬嘗在吳。爲闔廬臣。是以今恥於見禽。

謂其臣曰。誰能免

吾首。吳句卑曰。臣賤可乎。司馬曰。我實失子。可哉。

失不知子賢

○句古侯反

三戰皆傷曰吾不可用也已。句卑布裳。到

而裹之。

司馬已死。則取其首。

藏其身。而以其首免。

傳言司馬之忠壯。

楚子涉

睢。濟江。入于雲中。

入雲夢澤中。所謂江南之夢。

王寢盜攻之。以戈擊

王。王孫由于以背受之。中肩。王奔鄖。鍾建負季芊

以從。

鍾建楚大夫。

由于徐蘇而從。

以背受戈。故當時闕絕。

鄖公辛之弟懷

將弑王。曰。平王殺吾父。我殺其子。不亦可乎。

辛。蔓成然之子。

闕辛也。昭十四年。楚平王殺成然。

辛曰。君討臣。誰敢讐之。君命天也。若死

天命。將誰讐。詩曰。柔亦不茹。剛亦不吐。不侮矜寡。

不畏彊禦。唯仁者能之。

詩大雅。言仲山甫不辟彊陵弱。矜古頑反。

違彊陵弱。

非勇也。乘人之約。非仁也。滅宗廢祀。非孝也。

弑君罪
應滅宗

動無令名。非知也。必犯是。余將殺女。鬬辛與其弟

巢。以王奔隨。吳人從之。謂隨人曰。周之子孫。在漢

川者。楚實盡之。天誘其衷。致罰於楚。而君又竄之

竄匿也

周室何罪。君若顧報周室。施及寡人。以獎天衷

獎成也
施音異

。君之惠也。漢陽之田。君實有之。楚子在公

宮之北。

隨公宮也

吳人在其南。子期似王。

子期昭王兄
公子結也

逃王。而

已爲王。曰。以我與之。王必免。隨人卜與之。不吉。乃

辭。吳曰。以隨之辟小。而密邇於楚。楚實存之。世有

盟誓至于今未改。若難而弃之，何以事君？執事之

患，不唯一入。楚王一人若鳩楚竟，敢不聽命。吳人乃退。鳩安集也

鑪金初宦於子期氏，實與隨人要言。要言無以楚王與吳并欲脫子期。鑪本

又作鑪音處王使見。王喜其意欲引見之以比王臣且欲使盟隨人辭曰：「不敢以約爲利。」

此約謂要言也。此一時之事，非爲德舉，故辭不敢見。王割子期之

心以與隨人盟。當心前割取血以盟示其至心初，伍員與申包胥友。包胥楚人

夫。包必交反其亡也，謂申包胥曰：「我必復楚國。」復報也申包胥

曰：「勉之，子能復之，我必能興之。」及昭王在隨，申包

胥如秦乞師，曰：「吳爲封豕長蛇，以荐食上國。」荐，數也。言吳貪害如

蛇虐始於楚。寡君失守社稷。越在草莽。使下臣告

急。曰：夷德無厭。若鄰於君。疆場之患也。吳有楚則與秦鄰。○厭。平聲。場。

音亦逮吳之未定。君其取分焉。與吳共分楚地。○取分。扶問反。若楚之遂

亡。君之土也。若以君靈撫之。世以事君。撫存也。秦伯使

辭焉。曰：寡人聞命矣。子姑就館。將圖而告。對曰：寡

君越在草莽。未獲所伏。伏猶處也。下臣何敢即安。立依於

庭牆而哭。日夜不絕聲。勺飲不入口。七日。秦哀公

爲之賦無衣。詩秦風。取其王于興師。脩我戈矛。與子同仇。與子偕作。與子偕行。九頓首而坐。無衣三章。

章三頓首秦師乃出。爲明年包胥以秦師至張本。

經五年春王三月辛亥朔日有食之無傳○夏歸粟

于蔡

蔡為楚所圍饑之故魯歸之粟

○於越入吳

於發聲也

○六月丙申季孫

意如卒○秋七月壬子叔孫不敢卒

無傳

○冬晉士

鞅帥師圍鮮虞

傳五年春王人殺子朝于楚

因楚亂也終開馬父之言

○夏歸粟于蔡以周亟矜無資

亟急也

○越入吳吳在楚也

○六月季平子行東野

東野季氏邑○行下孟反下桓子行同

還未至丙申

卒于房

○東野及房蓋皆近費之地

陽虎將以璵璠斂

璵璠美玉君所佩○璵璠音餘煩

仲

梁懷弗與

懷亦季氏家臣

曰改步改玉

昭公之出季孫行君事佩璜璣祭宗廟今定公立復臣位改君

步則亦當去璜璣○孔疏玉藻云君與尸行接武大夫繼武士中武鄭云尊者尚徐接武蹈半跡繼武迹相及中武迹間容迹是步不同也又云公侯佩山玄玉大夫佩水蒼玉是玉不同也

陽虎欲逐之告公山不狃不狃曰彼

爲君也子何怨焉

不狃季氏臣費宰子洩也爲君不欲使僭○爲去聲

既葬桓子行東

野

桓子意如子季孫斯

及費子洩爲費宰逆勞於郊桓子敬之

勞仲梁懷弗敬

懷時從桓子行輕慢子洩

子洩怒謂陽虎子行之乎

行逐懷也爲下陽虎因桓子起

○申包胥以秦師至秦子蒲子虎帥車五百乘以

救楚

五百乘三萬七千五百人

子蒲曰吾未知吳道

道猶法術

使楚人先與

吳人戰而自稷會之。大敗夫槩王于沂。

稷沂皆楚地。○稷當在河南南

陽府桐柏縣境

吳人獲蘧射於柏舉。

蘧射楚大夫

其子帥奔徒。

奔徒楚散卒

以從子西敗吳師於軍祥。

楚地。○當在湖廣德安府隨州西南

秋七月子

期子蒲滅唐。

從吳伐楚故

九月夫槩王歸自立也。以與王

戰而敗。

自立為吳王號夫槩

奔楚為堂谿氏。

傳終言之

吳師敗楚師于

雍澁。秦師又敗吳師。吳師居麇。

麇地名。○麇九倫反。○今湖廣岳陽府巴陵縣東有麇城

子期將焚之。子西曰。父兄親暴骨焉。不能收。又焚

之。不可。

前年楚人與吳戰。多死麇中。言不可并焚。

子期曰。國亡矣。死者若有知

也。可以歆舊祀。

言焚吳復楚。則祭祀不廢。

豈憚焚之。焚之而又戰。吳

師敗又戰于公壻之谿

楚地名

吳師大敗吳子乃歸因

闔與罷闔與罷請先遂逃歸

與罷楚大夫請先至吳而逃歸言吳唯得楚一大夫復失之所

以不克闔音因罷音皮

葉公諸梁之弟后臧從其母於吳不待而

歸

諸梁司馬沈尹戌之子葉公子高也吳入楚獲后臧之母楚定臧弃母而歸

葉公終不正視

不義之

○乙亥陽虎囚季桓子及公父文伯

文伯季桓子從父昆弟也陽虎欲為亂

二子不從故囚之

而逐仲梁懷冬十月丁亥殺公何藐

藐季氏族已

丑盟桓子于稷門之內

魯南城門

庚寅大誚逐公父歆及

秦遄皆奔齊

歆即文伯也秦遄平子姑壻也傳言季氏之亂○歆昌欲反

○楚子入于郢

吳師已歸

初鬬辛聞吳人之爭宮也曰吾

聞之。不讓則不和。不和不可以遠征。吳爭於楚。必

有亂。有亂則必歸。焉能定楚。王之奔隨也。將涉於

成。曰

江夏竟陵縣有白水出。聊屈山西南入漢。○今湖廣漢陽府漢川縣有白水。亦名曰子河。西南與漢水合。

藍尹亶涉

其帑。

亶楚大夫。

不與王舟。及寧。王欲殺之。

寧安定也。

子西曰。子常

唯思舊怨。以敗君。何效焉。王曰。善。使復其所。吾以

志前惡。

惡過也。

王賞闕辛。王孫由于。王孫圉。鍾建。闕巢。

申包胥。王孫賈。宋木。闕懷。

九子皆從王有大功者。

子西曰。請舍懷。

也。

以初謀弑于也。

王曰。大德滅小怨。道也。

終從其兄。免王難是大德。

申包胥

曰。吾爲君也。非爲身也。君既定矣。又何求。且吾尤

子旗其又爲諸

子旗蔓成然也以有德於平王求欲無厭平王殺之在昭十四年

遂逃賞王將

嫁季芊季芊辭曰所以爲女子遠丈夫也鍾建負

我矣以妻鍾建以爲樂尹

司樂大夫遠去聲

王之在隨也子

西爲王輿服以保路國于脾洩

脾洩楚邑也失王恐國人潰散故僞爲王車服立國脾洩

以保安道路人○脾洩近郢都當在今湖廣荊州府境

聞王所在而後從王王使由于

城麋

於麋築城

復命子西問高厚焉弗知子西曰不能如

辭

言自知不能當辭勿行○敢爲不敢如爲不如古人之語然也

城不知高厚小大何知對

曰固辭不能子使余也人各有能有不能王遇盜於雲中余受其戈其所猶在袒而示之背曰此余

所能也。脾洩之事，余亦弗能也。

傳言昭王所以復國有賢臣也

○晉士鞅圍鮮虞，報觀虎之役也。

三年鮮虞獲晉觀虎

經六年春，王正月癸亥，鄭游速帥師滅許，以許男

斯歸。

游速大叔子。斯執元公成立。

○二月，公侵鄭，公至自侵鄭。

無傳

○

夏季，孫斯、仲孫何忌如晉。○秋，晉人執宋行人樂

祁犁。

稱行人言非其罪

○冬，城中城。

無傳，公為晉侵鄭，故懼而城之。

○季，孫斯、仲

孫忌帥師圍鄆。

無傳，何忌不言何闕文，鄆貳於齊，故圍之。

傳六年春，鄭滅許，因楚敗也。

○二月，公侵鄭，取匡，為晉討鄭之伐胥靡也。

胥靡，鄭地也。

僖公固鄭人以作亂鄭為之伐胥靡故晉使魯討之莊鄭地取莊不書歸之晉○僖丁甘反

往不假道於衛及

還陽虎使季孟自南門入出自東門

陽虎將逐三桓欲使得罪於鄭國

舍

於豚澤衛侯怒使彌子瑕追之

彌子瑕衛嬖大夫

公叔文子

老矣

文子公叔發

輦而如公曰尤人而效之非禮也昭公

之難君將以文之舒鼎

衛文公之鼎

成之昭兆

寶龜

定之鞶

鑑

鞶帶而以鏡為飾也今西方羌胡猶然古之遺服

苟可以納之擇用一焉公子與

二三臣之子諸侯苟憂之將以為之質

為質求納魯昭公

此

羣臣之所聞也今將以小忿蒙舊德

蒙覆

無乃不可

乎大姒之子

大姒文王妃

唯周公康叔為相睦也而效小

人以弃之不亦誣乎。天將多陽虎之罪以斃之。君

姑待之若何乃止

止不伐
魯師

○夏季桓子如晉獻鄭俘也

獻此春取
莊之俘

陽虎強使孟

懿子往報夫人之幣

虛欲困辱三桓并求媚於晉
故使正卿報晉夫人之聘

晉人無事

賤魯故不復設禮
明經所以不備書

賤魯故不復兩設禮
明經所以不備書

孟孫立于房外。謂范獻子曰。陽虎

若不能居魯而息肩於晉。所不以爲中軍司馬者。

有如先君

靜先君以徵其言

獻子曰寡君有官將使其

人

擇得其人

鞅何知焉。獻子謂簡子曰：「魯人患陽虎矣。」孟

孫知其覺以爲必適晉故強爲之請以取入焉欲令

鳥欲令
壯費大

聞虎常逃走故強設請託之辭
因此言以入晉今晉素知之

○四月己丑吳太子終累敗楚舟師

終累闔廬子去左兄舟師水戰○累力追

反獲潘子臣小惟子

二子楚舟師之帥惟本又作帷

及大夫七人楚國

大惕懼亡子期又以陵師敗于繁揚

陵師陸軍

令尹子西

喜曰乃今可爲矣

言知懼而後可治

於是乎遷郢於都

○改都爲郢

而改紀其政以定楚國

傳言楚賴子西以安

○周儋翩率王子朝之徒因鄭人將作亂于周

儋翩

子朝之餘黨

鄭於是乎伐馮滑胥靡負黍狐人闕外

鄭伐周六邑在

魯伐鄭取莊前於此見者爲成周起也陽城縣西南有負黍亭○今河南河南府登封縣有負黍聚後漢志潁陰縣有狐家鄉古狐人亭也在今河南開封

府許州臨潁縣關外即伊闕外之邑也。在今河南府洛陽縣南關塞山下。

六月晉閻沒戍周且城胥

靡

為天下王出居姑猶起

○秋八月宋樂祁言於景公曰諸侯唯我事晉今

使不往晉其憾矣。樂祁告其宰陳寅。

以與公言告之

陳寅曰

必使子往。他日公謂樂祁曰唯寡人說子之言子

必往。陳寅曰子立後而行吾室亦不亡。

寅知晉政多門往必有難故使

樂祁立後而行

唯君亦以我為知難而行也。見溷而行。

溷樂祁子也見

於君立以為後

趙簡子逆而飲之酒於縣上。獻楊楮六十於

簡子。

楊楮木名。楮食允反。

陳寅曰昔吾主范氏今子主趙氏又

有納焉。以楊楮賈禍。弗可爲也已。

知范氏必怨將得禍

然子死

晉國子孫必得志於宋

以其爲國死

范獻子言於晉侯曰。

以君命越疆而使。未致使而私飲酒。不敬二君。不

可不討也。乃執樂祁

獻子怒祁比趙氏。經所以稱行人。

○陽虎又盟公及三桓於周社。盟國人于亳社。詛

于五父之衢。

傳言三桓微陪臣專政。爲八年陽虎作亂起。

○冬十二月。天王處于姑蓀。

姑蓀周地。

辟儋翩之亂也。

爲明

年單劉
逆王起

經七年春。王正月。○夏四月。○秋。齊侯。鄭伯盟于

鹹

衛地。陳氏傳良曰：特相盟，自齊桓以來未之有也。於是再見諸侯無主盟矣。是故石門志諸侯之合于鹹，志諸侯之散。

○齊人

執衛行人北宮結以侵衛

稱行人非使人之罪

齊侯、衛侯盟于

沙

結叛晉也。陽平元城縣東南有沙亭。在今直隸大名府元城縣東。

○大雩

無傳過也

○齊國復帥

師伐我西鄙

夏國佐孫

○九月大雩

無傳過也

○冬十月

傳七年春二月，周儋翩入于儀栗以叛

儀栗周邑

○齊人歸鄆陽關，陽虎居之以爲政

鄆陽關皆魯邑中，或於齊齊今歸之

不書虎專之

○夏四月，單武公子

穆公

劉桓公子

文公

敗尹氏于窮谷

尹氏復黨

儋翩共

爲亂也

○秋齊侯鄭伯盟于鹹。徵會于衛。

徵名也。

衛侯欲叛晉。

屬齊鄭也。

諸大夫不可。使北宮結如齊。而私於齊侯曰。

執結以侵我。

欲以齊師懼諸大夫。

齊侯從之。乃盟于瑣。

瑣即沙也。為明年涉。

佗後衛侯手起。

○齊國復伐我。

齊叛晉故。

陽虎御季桓子。公斂處父御孟

懿子。

處父孟氏家臣。成宰公斂陽。斂力檢反。

將宵軍齊師。齊師聞之。墮伏而

待之。

墮毀其軍以誘敵。而設伏兵。墮許規反。

處父曰。虎不圖禍。而必死也。

而安苦。

夷曰。虎陷二子於難。

苦夷季氏家臣二子。季孟。苦始占反。

不待有司。余必

殺女。虎懼。乃還。不敗。

傳言陪臣強能自相制。季孟不敢有心。

○冬十一月戊午，單子劉子逆王于慶氏。

慶氏，守姑猶大夫。

晉籍秦送王，已巳，王入于王城。

已巳，十二月五日。有日無月。

館于公

族黨氏。

黨氏，周大夫。○黨音掌。

而後朝于莊宮。

莊王廟也。

春秋左傳杜注卷第二十七

春秋左傳杜注卷第二十八

華亭姚培謙學

定公

經八年春王正月公侵齊

報前年伐我西鄙

公至自侵齊

無傳

○二月公侵齊

未得志故

三月公至自侵齊

無傳

○曹伯露

卒

無傳四年盟皐鼫○自聲公立五年其弟通弑之代立是為隱公隱公立四年其弟露又弑之代立凡立四年卒于陽嗣

夏齊

國夏帥師伐我西鄙○公會晉師于瓦

瓦衛地將來救魯公逆會之東

郡燕縣東北有瓦亭○今直隸大名府滑縣東南瓦岡集古瓦亭也

公至自瓦

無傳

○秋七月戊辰

陳侯柳卒

無傳四年盟皐鼫

○晉士鞅帥師侵鄭遂侵衛

兩事故曰

遂

○葬曹靖公

無傳

○九月葬陳懷公

無傳三月而葬連

○季孫

斯仲孫何忌帥師侵衛○冬衛侯鄭伯盟于曲濮

無傳結叛晉曲濮衛地○蒸濮水曲折之處在今山東東昌府濮州境

○從祀先公

從順也先公閔公僖公也將正二公之位次所

順非一親盡故通言先公

○盜竊寶玉大弓

盜謂陽虎也家臣賤名氏不見故曰盜寶玉夏后氏之璜大弓封父之繁弱

傳八年春王正月公侵齊門于陽州

攻其門

士皆坐列

言無

曰顏高之弓六鈞

顏高魯人三十斤為鈞六鈞百八十斤古稱重故以為異強○稱尺證反強其丈反

皆

取而傳觀之陽州人出顏高奪人弱弓籍邱子鉏

擊之與一人俱斃

子鉏齊人斃仆也○前覆曰仆偃

且射子鉏中頰殪

子鉏死○射音石

顏息射人中眉

顏息魯人

退曰我無勇吾志其目

也

以自矜

師退冉猛僞傷足而先

猛魯人欲先歸

其兄會乃呼曰

猛也

殿會見師退而猛不在列乃大呼詐言猛在後為殿傳言魯無軍政○呼去聲

○二月己丑單子伐穀城劉子伐儀栗

討僭廟之黨穀城在河南縣西南懷慶

○今穀城故城在河南河南府洛陽縣西北

辛卯單子伐簡城劉子伐孟

○今河南懷慶

府河內縣西北有邴臺鎮古孟國也

以定王室

傳終王室之亂

○趙鞅言於晉侯曰諸侯唯宋事晉好逆其使猶

懼不至今又執之是絕諸侯也將歸樂祁士鞅曰

三年止之無故而歸之宋必叛晉

執樂祁在六年

獻子私謂

子梁

獻子范鞅子梁樂祁

曰寡君懼不得事宋君是以止子子

姑使溷代子

溷樂祁子

子梁以告陳寅陳寅曰宋將叛晉

是弃溷也不如待之

留待勿以子自代

樂祁歸卒于大行

大行晉夷

南山○大音泰行音杭

士鞅曰宋必叛不如止其尸以求成焉乃

止諸州

州晉地為明年宋公使樂大心如晉張本

○公侵齊攻廩邱之郛

郛郭也

主人焚衝

衝戰車○齊人焚魯攻廩邱者之戰車

或濡馬褐以救之

馬褐馬衣

遂毀之

毀郭

主人出師奔

攻郭人少故遭

後師走往助之

陽虎僞不見冉猛者曰猛在此必敗

陽州之役猛先歸言若在

此必復敗

猛逐之顧而無繼僞顛

逐廩邱人

虎曰盡客氣也

言皆客氣非勇

苦越生子將待事而名之

苦越苦夷

陽州之役獲焉名之

曰陽州

欲自此
僑如

○夏齊國夏高張伐我西鄙

報上
二侵

晉士鞅趙鞅荀寅

救我

救不書齊師
已去未入竟

公會晉師于瓦范獻子執羔趙簡子

中行文子皆執鴈魯於是始尚羔

獻子士鞅也簡子趙鞅
也中行文子荀寅也禮

卿執羔大夫執鴈魯則同之今始知執
羔之尊也卿不書禮不敵公史略之

○晉師將盟衛侯于鄆澤

自瓦還就
衛地盟

趙簡子曰羣臣

誰敢盟衛君者

前年衛叛晉屬齊
簡子意欲推辱之

涉佗成何曰我能盟之

二子晉
大夫

衛人請執牛耳

盟禮尊者執牛耳主次盟者衛侯與晉大夫
盟自以當蒞牛耳故請○請晉大夫使執也

成何曰衛吾溫原也焉得視諸侯

言衛小可比晉縣
不得從諸侯禮

將敵

涉佗援衛侯之手及挽

援擠也血至挽○援子對反挽烏喚反

衛侯怒王孫

賈趨進

賈衛大夫

曰盟以信禮也

信禮明也

有如衛君其敢不唯

禮是事而受此盟也

言晉無禮不欲受其盟

衛侯欲叛晉而患諸

大夫王孫賈使次于郊大夫問故

問不入故

公以晉詬語

之

詬取也

且曰寡人辱社稷其改卜嗣寡人從焉

使改卜他公子

以嗣先君我從大夫所立

大夫曰是衛之禍豈君之過也公曰又有

患焉謂寡人必以而子與大夫之子爲質

爲質於晉

大夫

曰苟有益也公子則往羣臣之子敢不皆負羈縲

以從將行王孫賈曰苟衛國有難工商未嘗不爲

患

言苟衛國有使伐之禍難亦未嘗不為工商之患

使皆行而後可

欲以激怒國人

公以告大

夫乃皆將行之行有日

有期

公朝國人使賈問焉曰

若衛叛晉晉五伐我病何如矣皆曰五伐我猶可以能戰賈曰然則如叛之病而後質焉何遲之有乃叛晉晉人請改盟弗許

○秋晉士鞅會成桓公侵鄭圍蟲牢報伊闕也

桓公周卿

士不書監帥不親侵也六年鄭伐周闕外晉為周報之

遂侵衛

討叛

○九月師侵衛晉故也

魯為晉討衛

○季寤

季桓子之弟

公鉏極

公彌曾孫桓子族子

公山不狃

費

皆不得

志於季氏叔孫輒無寵於叔孫氏

輒叔孫氏之庶子

叔仲志

不得志於魯

志叔孫帶之孫皆為國人所薄

故五人因陽虎陽虎欲去

三桓以季寤更季氏

代桓子

以叔孫輒更叔孫氏

代武叔

己

更孟氏

陽虎自代懿

冬十月順祀先公而祈焉

將作大事欲以順祀取媚

辛

卯禘于僖公

辛卯十月二日不於大廟者順祀之義當退僖公懼於僖神故於僖廟行順祀

壬辰將享

季氏于蒲圃而殺之戒都車曰癸巳至

都邑之兵車也陽虎欲以壬辰

夜殺季孫明日癸巳以都車攻三家

成宰公斂處父告孟孫曰季氏戒都車

何故孟孫曰吾弗聞處父曰然則亂也必及於子

先備諸與孟孫以壬辰為期

處父期以兵殺孟氏壬辰先癸巳一日

陽虎前

驅林楚御桓子。虞人以鉞盾夾之。陽越殿。

趙陽虎從弟鉞。昔皮反。

盾食允反。將如蒲圃。桓子咋謂林楚。

咋暫也。昨仕詐反。

曰：「而先皆季氏

之良也。爾以是繼之。」

欲使林楚免己於難。以繼其先人之良。

對曰：「臣聞命後

後猶晚也。

陽虎爲政，魯國服焉。違之，徵死死，無益於主。桓

子曰：「何後之有？而能以我適孟氏乎？」對曰：「不敢愛

死，懼不免主。」桓子曰：「往也。」

言必往。

孟氏選圉人之壯者

三百人，以爲公期築室於門外。

實欲以備難，不欲使人知，故僞築室於門外，因得聚衆。

期孟氏夫子。

林楚怒馬及衢而騁。

騁馳也。

陽越射之，不中。築者

闔門。

季孫既得入，乃閉門。射音石。

有自門閒射陽越，殺之。陽虎劫公

與武叔

武叔叔孫不敗之子州仇也

以伐孟氏公斂處父帥成人自

上東門入

魯東城之北門

與陽氏戰于南門之內弗勝又戰

于棘下

城內地名

陽氏敗陽虎說甲如公宮取寶玉大弓

以出舍于五父之衢寢而爲食其徒曰追其將至

虎曰魯人聞余出喜於徵死何暇追余

徵名也陽虎名季氏於蒲圃將

殺之今得脫必喜故言喜於召死○言魯人歡喜季孫免于召死之事也

從者曰嘻速駕公斂陽在

嘻懼聲

公斂陽請追之孟孫弗許

畏陽虎欲因亂討季氏

以強孟氏

孟孫懼而歸之

不敢殺

子言辨舍爵於季氏之廟而

出

子言季寤辨猶周徧也徧告廟飲酒示無懼○辨音遍舍如字

陽虎入于謹陽關以叛

叛不

書略家臣

○議音歎

○鄭駟歎嗣子犬叔爲政

歎駟乞子子然也爲明年殺鄧析張本

經九年春王正月○夏四月戊申鄭伯蠆卒

無傳四年盟臯鼫

○得寶玉大弓

弓玉國之寶器得之足以爲榮失之足以爲辱故重而書之

○六月葬鄭獻

公

無傳三月而葬速

○秋齊侯衛侯次于五氏

五氏晉地不書伐者諱伐盟主以次告○今直隸廣

平府邯鄲縣西有五氏城亦曰寒氏城

○秦伯卒

無傳不書名未同盟

○冬葬秦哀公

無傳

傳九年春宋公使樂大心盟于晉且逆樂祁之尸

辭僞有疾乃使向巢如晉盟且逆子梁之尸

巢向戌曾孫○

向舒亮反

子明謂桐門右師出

子明樂祁之子潤也右師樂大心子明族父也右師往到子明舍子明遂使出門去

曰吾猶衰經而子擊鐘何也

忿其不逆父喪因責其無同族之恩

右師曰喪

不在此故也既而告人曰已衰經而生子余何故

舍鐘

已子明也

子明聞之怒言於公曰右師將不利戴氏

樂氏戴公族

不肯適晉將作亂也不然無疾乃逐桐門右

師

逐之在明年終叔孫昭子之言

○鄭駟歃殺鄧析而用其竹刑

鄧析鄭大夫欲改鄭所鑄舊制不受君命而私造刑法書

之於竹簡故言竹刑○孔疏鄧析不為私作刑書而殺蓋別有當死之罪駟歃不矜免之耳

君子謂子然於是

不忠苟有可以加於國家者弃其邪可也

加猶益也弃不責其邪惡

也靜女之三章取彤管焉

詩邶風也言靜女三章之詩雖說美女義在彤管彤管赤管筆女史記事

規誨之所執。○孔疏古者后夫人必有女史執赤管之筆記妃妾善惡形之
法所以規誨人君也。本錄靜女云者特為形管之言可取故全篇取之不亦上
下之
二章竿旄何以告之取其忠也。詩邶風也錄竿旄詩取其中心願告人以善道也言此二詩

皆以一善見采而鄧析不以一善存身。○孔疏竿旄之篇衛之臣子多好善
賢者樂告以善道其末句云彼姝者子何以告之姝順貌也賢者見其好善
美其共順言己寡知復何以告之
自恨無可告之明其無所吝惜
故用其道不棄其人。詩云蔽

芾甘棠勿剪勿伐召伯所茇。詩召南也召伯決訟於蔽芾小棠之下詩人思之不伐其樹茇

草舍也思其人猶愛其樹况用其道而不恤其人乎。子

然無以勸能矣。傳言子然嗣犬叔為政鄭所以衰弱

○夏陽虎歸寶玉大弓。無益近用而祇為名故歸之書曰得器用也

凡獲器用曰得。器用者謂物之成器可為人用者也得用焉曰獲。謂用器物以有獲若麟為田獲

傳為
步復

六月伐陽關

討陽
虎也

陽虎使焚萊門

陽關
邑門

師驚犯之

而出奔齊請師以伐魯曰三加必取之

三加兵
於魯

齊侯

將許之鮑文子諫曰臣嘗為隸於施氏矣

施氏魯大夫
文子鮑國也

成十七年齊人召而立之至今七
十四歲於是文子蓋九十餘矣

魯未可取也上下猶和眾庶

猶睦能事大國

大國
晉也

而無天菑若之何取之陽虎欲

勤齊師也齊師罷大臣必多死亡已於是乎奮其

詐謀夫陽虎有寵於季氏而將殺季孫以不利魯

國而求容焉

求自容
罷音皮

親富不親仁君焉用之君富

於季氏而大於魯國茲陽虎所欲傾覆也魯免其

疾而君又收之。無乃害乎？齊侯執陽虎，將東之陽。

虎願東。

陽虎欲西奔晉，知齊必反已，故詐以東為願。

覆芳服反。乃囚諸西部，盡借邑人。

之車，鑿其軸，麻約而歸之。

鑿，刻也。欲絕追者。鑿若結反。

載葱靈寢於

其中而逃。

葱靈輜車名。葱，初江反。孔疏說文云：輜，輶衣車也。前後有蔽，貫達云。葱靈衣車也。有葱有靈，然則此車前後有蔽兩

旁開葱可以觀望。葱中駘木謂之靈。今人猶名一木為靈子。

追而得之，囚於齊。又以葱靈

逃奔宋，遂奔晉，適趙氏。仲尼曰：趙氏其世有亂乎？

受亂之故。言其當世將有亂也。

○秋，齊侯伐晉夷儀。

為衛討也。

敝無存之，父將室之，辭以

與其弟。

無存，齊人也。室之為取婦。

曰：此役也不死，反必娶於高國。

高氏國氏。

齊賈族也無存欲必
有功還取卿相之女

先登求自門出死於雷下

既入城夷儀人
不服故關死於

門屋當
下也

東郭書讓登

登城非人所樂故讓
衆使後而已先登

犂彌從之曰子讓

而左我讓而右使登者絕而後下

恐書先下故又譎以讓
之下入城也○言使登

城人絕皆上訖
然後與書下

書左彌先下

書從彌言左行彌
遂自先下亦讓也

書與王猛息

戰

共止

猛曰我先登書斂甲曰曩者之難今又難焉

起

擊猛○難去聲言昔者有登
城之難今又有王猛之難

猛笑曰吾從子如驂之靳

靳車中
馬也猛

不敢與書爭言已從書如驂馬之隨靳也傳言齊師和所以能克○靳居觀
反○孔疏車用四馬夾轅二馬謂之服兩首齊其外二馬謂之驂首差退說文
云靳當膺也則靳是當胸之皮也驂馬之首當服馬之
胸胸上有靳故云我之從子如驂馬當服馬之靳也

晉車千乘在中

牟

救夷儀也今城陽有中牟縣迴遠疑非也○今河南
彰德府湯陰縣西有中牟城正當衛走邯鄲之道

衛侯將如五

氏

齊侯在五氏將往助之

卜過之龜焦

衛至五氏道過中牟畏晉故卜龜焦弗成不可以行事也

衛侯

曰可也衛車當其半寡人當其半敵矣

衛侯怒晉甚不復顧卜欲以身

當五百乘

乃過中牟中牟人欲伐之衛褚師圍亡在中牟

曰衛雖小其君在焉未可勝也齊師克城而驕其

帥又賤

城謂夷儀也帥謂東郭書○褚中呂反

遇必敗之不如從齊乃伐齊

師敗之

獲齊車五百乘事見哀十五年

齊侯致禱媚杏於衛

三邑皆齊西界以答謝衛意

禱諸若反

齊侯賞犁彌犁彌辭曰有先登者臣從之皙憤

而衣狸製

皙白也憤蒿上下相值製裘也○憤音責衣去聲○皙面白也憤說文作𦏧

公使視東郭書

曰乃夫子也吾貺子

貺賜也

公賞東郭書辭曰彼賓旅

也

言彼與我若賓主相讓旅俱進退

乃賞犁彌齊師之在夷儀也齊侯謂

夷儀人曰得敝無存者以五家免

給其五家令常不共役事

乃得其

尸公三禭之

禭衣也比殯三加禭深禮厚之

與之犀軒與直蓋

犀軒卿車直蓋高蓋○犀

軒軒車以犀皮為飾也蓋車蓋

而先歸之坐引者以師哭之

停喪車以盡哀也君方為位而

哭故挽喪者不敢立○坐跪也

親推之三

齊侯自推喪車輪三轉○推他回反

經十年春王三月及齊平

平前八年再侵齊之怨

○夏公會齊侯

于夾谷

平

公至自夾谷

無

○晉趙鞅帥師圍衛○

齊人來歸鄆謹龜陰田

三邑皆汶陽田也泰山博縣北有龜山陰田在其北也會夾谷孔子相齊人服

義而歸魯田○今龜山在山東泰安府新泰縣西南

○叔孫州仇仲孫何忌帥師圍郕

郈叔孫氏邑

○郈音后

○秋叔孫州仇仲孫何忌帥師圍郈○宋

樂大心出奔曹

傳在前年春書名罪其稱疾不適晉

○宋公子地出奔陳貪弄馬以

罪君命書名罪之也

○冬齊侯衛侯鄭游速會于安甫

無傳安甫地闕

○

叔孫州仇如齊○宋公之弟辰暨仲佗石彊出奔

陳

暨與也宋公寵向魍不聽辰請辰忿而將大臣出奔虛請自忿稱弟示首惡也仲佗石彊皆為國卿不能匡君靜難而為辰所牽帥出奔稱名

亦罪之也○佗徒

河反彊苦候反

傳十年春及齊平夏公會齊侯于祝其實夾谷

夾谷即祝

其也○顧氏炎武曰在今萊蕪縣舊說齊靈公滅萊萊民播流此谷邑落荒蕪故曰萊蕪會于此地故得有萊人服註在東海祝其縣今淮安府之賴榆

遠非也孔丘相

相會儀也

犁彌言於齊侯曰孔丘知禮而無勇

若使萊人以兵劫魯侯必得志焉

萊人齊所滅萊夷也

齊人從

之孔丘以公退曰士兵之

以兵擊萊人

兩君合好而裔夷

之俘以兵亂之

裔遠也。裔以制反。

非齊君所以命諸侯也裔

不謀復夷不亂華俘不干盟兵不偪好於神爲不

祥

盟將告神犯之爲不善

於德爲愆義於人爲失禮君必不然齊

侯聞之遽辟之

辟去萊兵也。辟婢亦反。

將盟齊人加於載書曰齊

師出竟而不以甲車三百乘從我者有如此盟

如此盟詛

禍孔丘使茲無還揖對

無還魯大夫還音旋

曰而不反我汶陽

之田吾以共命者亦如之

須齊歸汶陽田乃當共齊命於是孔子以公退賤者終其事要盟不潔故

書不齊侯將享公。孔丘謂梁邱據曰：齊魯之故，吾子

何不聞焉？故舊典事既成矣。會事成而又享之，是勤執事也。

且犧象不出門，嘉樂不野合。犧象酒器，犧尊象尊也。嘉樂，鐘磬也。諸侯相見之禮，享在廟，燕在寢。

在寢饗而既具，是弃禮也。若其不具，用秕稗也。秕，穀不

草之似穀者，言享不具禮，穢薄若秕稗。○秕音鄙，稗皮賣反。用秕稗君辱，弃禮名惡。子盍

圖之。夫享所以昭德也，不昭不如其已也。乃不果

享。孔子知齊侯懷詐，故以禮距之。齊人來歸鄆、讙、龜陰之田。陽虎九年，以此奔齊，經文倒者。

次魯事

○晉趙鞅圍衛，報夷儀也。前年齊為衛伐晉夷儀，故伐衛以為報。初，衛侯伐

邲鄆午於寒氏

邲鄆廣平縣也。午，晉邲大夫寒氏即五氏也。前年衛人助齊伐五氏。邲，鄆音寒丹。今直隸廣平府。

邲鄆縣西南有邲鄆故城。

城其西北而守之。

宵燔

午衆宵散。燔，子潛反。

及晉圍衛。

午以徒七十人門於衛西門，殺人於門中，曰：「請報。」

寒氏之役

衛開門與午關。

涉佗曰：「夫子則勇矣，然我往必不。」

敢啓門，亦以徒七十人旦門焉。步左右皆至而立。

如植。

至其門下，步行門左右，然後立待。如，立木不動以示整。皆至，謂其徒。

日中不啓門，乃退反。

役，晉人討衛之叛，故曰：「由涉佗成何。」

援衛侯手故。

於是執

涉佗以求成於衛。衛人不許。晉人遂殺涉佗。成何

奔燕。君子曰：「此之謂棄禮，必不鈞。」

言必見殺，不得與人等。

諱曰：「人。」

而無禮胡不遄死涉佗亦遄矣哉

詩鄭風遄速也

○初叔孫成子欲立武叔公若藐固諫曰不可

藐叔孫氏

之族

成子立之而卒公南使賊射之不能殺

公南叔孫家臣武叔之黨

○射音石

公南爲馬正使公若爲郈宰武叔既定使郈馬

正侯犯殺公若弗能其圉人曰

武叔之圉人

吾以劒過朝

公若必曰誰之劒也吾稱子以告必觀之吾僞固

而授之未則可殺也

僞爲國陋不知禮者以劒鋒未授之

使如之公若曰爾

欲吳王我乎

見劒向己逆呵之譁諸殺吳王亦用劒刺之

遂殺公若侯犯以郈

叛

犯以不能副武叔之命故叛叛而以圍告廟故書圍

武叔懿子圍郈弗克秋二子及

齊師復圍郕弗克叔孫謂郕工師駟赤工師掌工匠之官曰

郕非唯叔孫氏之憂社稷之患也將若之何對曰

臣之業在揚水卒章之四言矣揚水詩唐風卒章四言曰我聞有命叔孫稽

首謝其受己命駟赤謂侯犯曰居齊魯之際而無事必不

可矣無所服事子盍求事於齊以臨民不然將叛侯犯從

之齊使至駟赤與郕人爲之宣言於郕中詐爲齊使言也曰

侯犯將以郕易于齊齊人將遷郕民謂易其民人衆克懼

不欲遷○克凶勇反駟赤謂侯犯曰衆言異矣不與始同子不如易於

齊與其死也猶是郕也而得紓焉何必此言以郕民易取齊人與郕

無異勝於守郕。為叛人所殺。○紆音舒

齊人欲以此偪魯。必倍與子地。

言非徒得民又

將得齊地

且盍多舍甲於子之門。以備不虞。侯犯曰。諾。乃

多舍甲焉。侯犯請易於齊。齊有司觀郕將至。駟赤

使周走呼曰。齊師至矣。郕人大駭。介侯犯之門甲。

以圍侯犯。駟赤將射之。

偽為侯犯射郕人。呼去聲

侯犯止之曰。謀

免我。侯犯請行。許之。

郕人許之

駟赤先如宿。

宿。東平無鹽縣故宿國

侯犯

殿每出一門。郕人閉之。

開其後門

及郭門止之曰。子以叔

孫氏之甲出。有司若誅之。

誅責也

羣臣懼死。駟赤曰。叔

孫氏之甲有物。吾未敢以出。

物識也。赤還救侯犯也。○識申志反

犯謂駟赤

曰子止而與之數

數甲以相付
數色主反

駟赤止而納魯人

○納魯
國郕之

師

侯犯奔齊齊人乃致郕

致其名簿也為
下武叔如齊傳

○宋公子地嬖遽富獵

地宋景公弟
辰之兄也

十一分其室而以

其五與之

與富
獵也

公子地有白馬四公嬖向魋魋欲之

向魋司馬
桓魋也

公取而朱其尾鬣以與之

與魋
也

地怒使其徒

扶魋而奪之魋懼將走公閉門而泣之目盡腫母

弟辰曰子分室以與獵也而獨卑魋亦有頗焉子

為君禮

禮辟君也○扶敕
乙反頗普多反

不過出竟君必止子公子地出

奔陳公弗止辰為之請弗聽辰曰是我廷吾兄也

廷欺也。吾以國人出。君誰與處。冬。母弟辰暨仲佗

石彊出奔陳。

仲佗幾子。彊褚師段子。皆宋卿衆之所望。故言國人。

○武叔聘于齊。

謝致也。無書辰奔在齊。後文見告。

齊侯享之。曰。子叔孫若

使郕在。君之他竟寡人。何知焉。屬與敝邑際。故敢

助君憂之。

以致郕德叔孫。屬音燭。

對曰。非寡君之望也。所以事君。

封疆社稷。是以

以猶爲也。

敢以家隸勤君之執事。夫不令

之臣。天下之所惡也。君豈以爲寡君賜。

言義在討惡。非所以賜寡君。

經十有一年。春。宋公之弟辰及仲佗。石彊公子地。

自陳入于蕭。以叛。

蕭。宋邑。稱弟例在前年。○前宋萬之亂。以蕭邑封叔。爲附庸。宣十二年。楚子滅之。復爲宋邑。故

辰等今入之以叛也

○夏四月○秋宋樂大心自曹入于蕭入蕭從叛

人叛可知故不書叛

○冬及鄭平平六年侵鄭取佳之怨叔還如鄭泣盟還叔詣曾孫○

還音旋樂世族讀叔還是叔弓曾孫此誤

傳十一年春宋公母弟辰暨仲佗石彊公子地入

于蕭以叛秋樂大心從之大爲宋患寵向魋故也

惡宋公寵不義以致國患

○冬及鄭平始叛晉也魯自僖公以來世服於晉至今而叛故曰始

經十有二年春薛伯定卒無傳四年盟臯鼫○夏葬薛襄公無傳

○叔孫州仇帥師墮郕墮毀也患其險固故毀壞其城○墮許規反○衛公孟彊

帥師伐曹

彊孟繫子

○季孫斯仲孫何忌帥師墮費○秋大

雩

無傳書過

○冬十月癸亥公會齊侯盟于黃

無傳結叛晉

○十有

一月丙寅朔日有食之

無傳

○公至自黃

無傳

○十有二

月公圍成公至自圍成

無傳國內而書至者成殯若列國與動大衆故出入皆告廟

傳十二年夏衛公孟彊伐曹克郊

郊曹邑○當在山東兗州府曹縣界

還

滑羅殿

羅衛大夫滑于八反

未出不退於列

未出曹竟羅不退在行列之後

其御曰

殿而在列其爲無勇乎羅曰與其素厲寧爲無勇

素空也厲猛也言伐小國當如畏者以誘致之○孔疏羅以曹國小弱不敢來追衛師而在後爲殿是空設嚴猛等與其空爲嚴猛寧爲無勇示弱誘之使曹人不懼以爲後圖

○仲由爲季氏宰

仲由子路

將墮三都

三都費、郕、成也。墮盛將爲國害，故仲由欲毀之。

於

是叔孫氏墮郕。季氏將墮費，公山不狃、叔孫輒帥

費人以襲魯。

不狃，費宰也。輒不得志於叔孫氏。

公與三子入于季氏之宮。

登武子之臺，費人攻之，弗克，入及公側下。

至臺

仲尼命

申句須、樂頎下伐之。

二子，魯大夫。仲尼時爲司寇。句音劬。頎音祈。

費人北，國人

追之，敗諸姑蔑。二子奔齊。

二子，不狃、叔孫輒。

遂墮費，將墮成。

公斂處父謂孟孫、墮成、齊人必至于北門。

成在魯北境，故

且

成，孟氏之保障也。無成，是無孟氏也。子僞不知。

僞不知。

我將不墮。冬十二月，公圍成，弗克。

經十有三年春齊侯衛侯次于垂葭二君將使師伐晉次垂葭以爲之援

○夏築蛇淵囿無傳書不時也○大蒐于比蒲無傳夏蒐非時○比音毗○衛

公孟彊帥師伐曹無傳○秋晉趙鞅入于晉陽以叛

書叛惡可知○冬晉荀寅士吉射入于朝歌以叛吉射士鞅子朝歌衛之

舊都衛徙楚邱朝歌後屬晉○晉趙鞅歸于晉韓魏請而復之故曰歸言韓魏之彊猶列國○薛

弑其君比無傳稱君君無道○比弑惠公夷立

傳十三年春齊侯衛侯次于垂葭實鄆氏垂葭改名鄆氏高平鉅野

縣西南有鄆亭○鄆古闕反○今屬山東兗州府濟寧州使師伐晉將濟河諸大夫皆曰

不可意慈齊大夫郕意茲曰可○郕音丙銳師伐河內今河內汲郡○漢置河內郡晉

分置汲郡治汲縣今
為河南衛輝府治

傳必數日而後及絳

傳告晉。傳張戀反。

絳不王

月不能出河則我既濟水矣

○濟河而歸

乃伐河內齊侯

皆斂諸大夫之軒唯邴意茲乘軒

以其言當

齊侯欲與衛

侯乘

共載○乘去聲下同

與之宴而駕乘廣載甲焉使告曰晉

師至矣

○齊侯使人如此告也

齊侯曰比君之駕也寡人請攝

以已車攝

代衛車○廣去聲比必利反齊侯謂衛侯比及君之駕至以來君既未有兵車寡人請以已車攝代衛車與君同乘

乃介而與之

乘驅之或告曰無晉師乃止

傳言齊侯輟所以不能成功

○晉趙鞅謂邯鄲午曰歸我衛貢五百家吾舍諸

晉陽午許諾

十年趙鞅圍衛衛人懼貢五百家鞅置之邯鄲今欲徙著晉陽晉陽趙鞅邑

歸告其父

兄父兄皆曰不可衛是以爲邯鄲

言衛以五百家在邯鄲常爲是故與邯鄲親

爲聲而寘諸晉陽絕衛之道也不如侵齊而謀之

侵齊則齊

當來謀欲因懼齊而從則衛與邯鄲好不絕

乃如之而歸之于晉陽

欲如是謀而後歸衛貢

趙

孟怒召午而囚諸晉陽

趙鞅不察其謀謂午不用命故囚之

使其從者說

劍而入涉賓不可

涉賓午家臣不肯說劍入欲謀叛

乃使告邯鄲人曰

吾私有討于午也二三子唯所欲立

午趙鞅同族別封邯鄲故使邯鄲人更立

午宗親

遂殺午趙稷涉賓以邯鄲叛

稷趙午子

夏六月上軍司

馬籍秦圍邯鄲邯鄲午荀寅之甥也荀寅范吉射

之姻也

范父曰姻荀寅子娶吉射女

而相與睦故不與圍邯鄲將作

亂

作亂攻趙鞅

董安于聞之

安于趙氏臣

告趙孟曰先備諸趙孟

曰晉國有命始禍者死爲後可也

○待其先發而後應之

安于曰

與其害於民寧我獨死

懼見攻必傷害民○當始禍之名而受罪

請以我說趙

孟不可

晉國若計可殺我以自解說

秋七月范氏中行氏伐趙氏之

宮趙鞅奔晉陽晉人圍之范臯夷無寵於范吉射

而欲爲亂於范氏

臯夷范氏側室子

梁嬰父嬖於知文子

文子荀躒

文子欲以爲卿韓簡子與中行文子相惡

簡子韓起孫不信也

中行文子荀寅也

魏襄子亦與范昭子相惡

襄子魏舒孫曼多也昭子士吉射

故

五子謀

五子范臯夷梁嬰父知文子韓簡子魏襄子

將逐荀寅而以梁嬰父代

之逐范吉射而以范臯夷代之荀躒言於晉侯曰

君命大臣始禍者死載書在河

為盟書沈之河

今三臣始禍

而獨逐鞅刑已不鈞矣請皆逐之冬十一月荀躒

韓不信魏曼多奉公以伐范氏中行氏弗克二子

將伐公齊高彊曰三折肱知為良醫

高彊齊子尾之子昭十年奔魯遂適晉

唯伐君為不可民弗與也我以伐君在此矣三家

未睦

三家知韓魏

可盡克也克之君將誰與若先伐君是

使睦也弗聽遂伐公國人助公二子敗從而伐之

丁未荀寅士吉射奔朝歌韓魏以趙氏為請

經所以書趙氏

歸十二月辛未趙鞅入于絳盟于公宮

傳錄晉喪亂○見三家分晉之始

○初衛公叔文子朝而請享靈公

欲令公臨其家

退見史鰌

而告之

史鰌史魚○鰌音秋

史鰌曰子必禍矣子富而君貪罪

其及子乎文子曰然吾不先告子是吾罪也君既

許我矣其若之何史鰌曰無害子臣可以免

言能執臣禮

富而能臣必免於難上下同之

言尊卑皆然

戊也驕其亡

乎

戊文子之子

富而不驕者鮮吾唯子之見驕而不亡者

未之有也戊必與焉

與禍難

及文子卒衛侯始惡於公

叔戌以其富也公叔戌又將去夫人之黨

靈公夫人南子黨宋朔之

徒夫人愬之曰。戌將爲亂。爲明年戌來奔傳

經十有四年。春。衛公叔戌來奔。衛趙陽出奔宋。陽趙

書名者親富不親仁○二月辛巳。楚公子結。陳公孫佗人帥師。

滅頓。以頓子牂歸。佗徒何反○夏。衛北宮結來奔。亦黨公叔戌皆

惡之○五月。於越敗吳于檇李。於越越國也。使罪人詐吳亂陳。故從未陳之例。書敗也。檇李吳

郡嘉興縣南。醉李城。○檇音醉。○檇李城在浙江嘉興府嘉興縣南四十五里。吳子光卒。未同盟而赴以名○公

會齊侯衛侯于牽。魏郡黎陽縣東北有牽城。在今直隸大名府滹縣北。公至自會。無傳

○秋。齊侯宋公會于洮。洮。曹地。○洮。徒刀反。○天王使石尚來。

歸賑。無傳。石尚。天子之士。石氏尚名。賑。祭社之肉。盛以飯器。以賜同姓諸侯。親兄弟之國與之共福。○賑。帝軫反。○衛世子

蒯瞶出奔宋衛公孟彊出奔鄭

經書名與蒯瞶意罪之

○宋公之

弟辰自蕭來奔

無傳稱宋公之弟例在十年

○大蒐于比蒲○邾子

來會公

無傳會公子比蒲來而不用朝禮故曰會

○城莒父及霄

無傳公叛晉助范氏故懼而城二邑也此

年無冬

史闕文

傳十四年春衛侯逐公叔戌與其黨故趙陽奔宋

戌來奔

終史魚之言

○梁嬰父惡董安于謂知文子曰不殺安于使終

爲政於趙氏趙氏必得晉國盍以其先發難也討

於趙氏文子使告於趙孟曰范中行氏雖信爲亂

安于則發之。是安于與謀亂也。晉國有命。始禍者死。二子既伏其罪矣。敢以告。

告使討安于。與去聲。

趙孟患之。安

于曰。我死而晉國寧。趙氏定。將焉用生。人誰不死。吾死莫矣。乃縊而死。趙孟尸諸市。而告於知氏曰。主命戮罪人。安于既伏其罪矣。敢以告。知伯從趙

孟盟。

知伯苗驪。

而後趙氏定。祀安于於廟。

趙氏廟。

○頓子牂欲事晉。背楚而絕陳好。二月。楚滅頓。

傳音小不。

事大所以亡。

○夏。衛北宮結來奔。公叔戌之故也。

○吳伐越

報五年越入吳

越子勾踐禦之陳于檣李

勾踐越王允常子

勾踐患吳之整也使死士再禽焉不動

使敢死之士往報為吳所禽欲

使吳師亂取之而吳不動

使罪人三行屬劍於頸

以劍注頸○行音杭下同屬之欲反下同

而辭

曰二君有治

治軍旅

臣奸旗鼓

犯軍令奸音干

不敏於君之行

前不敢逃刑敢歸死遂自剄也師屬之目越子因

而伐之大敗之靈姑浮以戈擊闔廬

姑浮越大夫

闔廬傷

將指取其屨

其足大指見斬遂失屨姑浮取之○將子匠反

還卒於陘去檣李

七里

釋經所以不書滅

夫差使人立於庭

夫差闔廬子

苟出入必謂

已曰夫差而忘越王之殺而父乎則對曰唯不敢

忘三年乃報越

後三年
哀元年

○晉人圍朝歌公會齊侯衛侯于脾上梁之間

脾上梁

即謀救范中行氏

齊魯叛晉故
助范中行也

析成鮒小王桃甲率狄

師以襲晉

二子晉大夫范
中行氏之黨

戰于絳中不克而還士鮒奔

周小王桃甲入于朝歌秋齊侯宋公會于洮范氏

故也

謀救
范氏

○衛侯爲夫人南子召宋朝

南子宋女也朝宋公子舊通于
南子在宋呼之○召在遠年服

以會于洮上
屬爲義非

會于洮犬子蒯瞶獻孟于齊過宋野

蒯瞶衛
靈公大

子孟邑名也就會獻之
故自衛行而過宋野

野人歌之曰既定爾婁豬盍歸吾

艾緞

婁豬求子婦以喻南子艾緞喻宋朝艾老也。緞音加牡永也。

大子羞之謂戲陽速曰

從我而朝少君

速太子家臣。戲平聲。

少君見我我顧乃殺之速

曰諾乃朝夫人夫人見大子大子三顧速不進夫

人見其色啼而走

見大子色變知其欲殺已

曰蒯瞶將殺余公執其

手以登臺大子奔宋盡逐其黨故公孟軻出奔鄭

自鄭奔齊大子告人曰戲陽速禍余戲陽速告人

曰大子則禍余大子無道使余殺其母余不許將

戕於余

戕殘殺也

若殺夫人將以余說余是故許而弗爲

以紓余死諺曰民保於信吾以信義也

信義可信不必信言

○冬十二月晉人敗范中行氏之師於潞獲籍秦

高彊

二子黨范氏者終景王言籍父無後

又敗鄭師及范氏之師于百泉

鄭助范氏

故并敗

經十有五年春王正月邾子來朝○鼯鼠食郊牛

牛死改卜牛

無傳不言所食處舉死重也改卜禮也○鼯音兮

○二月辛丑楚子滅

胡以胡子豹歸

○夏五月辛亥郊

無傳書過

○壬申公薨

于高寢

高寢宮名不于路寢失其所

○鄭罕達帥師伐宋○齊侯衛

侯次于渠蔭

不果救故書次○蔭直居反

○邾子來奔喪

無傳諸侯奔喪非禮

○

秋七月壬申如氏卒

定公夫人

○八月庚辰朔日有食之

無傳 ○九月滕子來會葬無傳諸侯會葬非禮也 ○丁巳葬我君定

公雨不克葬戊午日下吳乃克葬 ○辛巳葬定姒

辛巳十月三日有日無月 ○冬城漆

邾庶其邑

傳十五年春邾隱公來朝邾子益子貢觀焉邾子執玉

高其容仰公受玉卑其容俯玉朝者之贊子貢曰以禮觀

之二君者皆有死亡焉夫禮死生存亡之體也將

左右周旋進退俯仰於是乎取之朝祀喪戎於是

乎觀之今正月相朝而皆不度不合法度心已亡矣嘉事

不體何以能久嘉事朝禮不體謂不得其體之正高仰驕也卑俯替也

驕迎亂替迎疾君爲主其先亡乎

爲此年公薨哀七年以邾子益歸傳

○吳之入楚也

在四年

胡子盡俘楚邑之近胡者也

俘取

楚

既定胡子豹又不事楚曰存亡有命事楚何爲多

取費焉二月楚滅胡

傳言小不事大所以亡

○夏五月壬申公薨仲尼曰賜不幸言而中是使

賜多言者也

以微知著知之難者子貢言語之士今言而中仲尼懼其易言故抑之

○鄭罕達敗宋師于老邱

罕達子蕩之子老邱宋地宋公子地奔鄭鄭人爲之伐宋欲取地以處之

事見哀十二年○蕩才何反○老邱城在今河南開封府陳留縣北四十五里

齊侯衛侯次于遽挈謀

救宋也

○挈女居反

○秋七月壬申，姒氏卒，不稱夫人，不赴，且不祔也。
赴同祔，姑夫人之禮。二者皆闕，故不曰夫人。

○葬定公，雨，不克襄事，禮也。

襄，成也。雨而成事，若汲汲於欲葬。

○葬定姒，不稱小君，不成喪也。

公未葬而夫人薨，煩於喪禮，不赴不祔，故不稱小君。臣子

怠慢也。反哭于寢，故書葬。

○冬，城漆，書不時，告也。

實以秋城，冬乃告廟，魯知其不時，故緩告，從而書之，以示譏。

春秋左傳杜注卷第二十八